



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Prophetia Apocalyptica S. Joannis Apostoli**

**Kircher, Heinrich**

**Coloniæ Agrippinæ, 1676**

Tractatus XV. In Caput XI.

**urn:nbn:de:hbz:466:1-39100**

## TRACTATUS XV.

## IN CAPUT XI.

Materia iterum prophetandi (quod fuerat iussus) congeſta perſtringitur ſummatim, pertinens ad Tubam ſextam, & finiens in Tuba ſeptima.

## VERBA APOCALYPSEOS.

(Cap. II. Verſ. I.) *Et datus eſt mihi calamus ſimilis virgæ & dictum eſt mihi: ſurge & metire templum Dei, & altare, & adorantes in eo.*  
 (v. 2.) *atrium autem, quod eſt foris templum, ejice foras, & ne metiaris illud: quoniam datum eſt gentibus, & Civitatem ſanctam calcabunt menſibus quadraginta duobus: (v. 3.) & dabo duobus teſtibus meis, & prophetabunt diebus mille ducentis ſexaginta, amicti ſaccis. (v. 4.) Hi ſunt duæ Olive, & duo candelabra, in conſpectu Domini terræ ſtantes. (v. 5.) Et ſi quis voluerit eos nocere, ignis exiet de ore eorum, & devorabit inimicos eorum: & ſi quis voluerit eos ledere, ſic oportet eum occidi. (v. 6.) Hi habent poteſtatem claudendi cælum, ne pluât diebus prophetiæ ipſorum: & poteſtatem habent ſuper aquas convertendi eas in ſanguinem, & percutere terram omni plaga quotieſcunque voluerint. (v. 7.) Et cum finierint teſtimonium ſuum, beſtia quæ aſcendit de abyſſo, faciet adverſus eos bellum, & vincet eos, & occidet eos. (v. 8.) Et corpora eorum jacebunt in plateis Civitatis magnæ, quæ vocatur ſpiritualiter Sodoma, & Ægyptus, ubi & dominus eorum crucifixus eſt. (v. 9.) Et videbunt de tribubus, & populis, & linguis, & gentibus corpora eorum per tres dies & dimidium: & corpora eorum non ſinent poni in monumentis. (v. 10.) Et inhabitantes terram gaudebunt ſuper illos, & jucundabuntur: & munera mittent invicem, quoniam hi duo Prophetæ cruciaverunt eos, qui habitabant ſuper terram. (v. 11.) Et poſt dies tres & dimidium, ſpiritus vitæ à Deo intravit in eos: Et ſteterunt ſuper pedes ſuos, & timor magnus cecidit ſuper eos, qui viderunt eos. (v. 12.) Et audierunt vocem magnam de cælo, dicentem eis: Aſcendite huc.*



, huc. Et ascenderunt in cælum in nube, & viderunt eos inimici eorum.  
 , (v. 13.) Et in illa hora factus est tremor magnus, & decima pars  
 , Civitatis cecidit: & occisa sunt in terra motu nomina hominum septem  
 , millia: & reliqui in timorem sunt missi, & dederunt gloriam Deo cæli.  
 , (v. 14.) Væ secundum abiit: & ecce Væ tertium veniet citò. (v. 15.) Et  
 , septimus Angelus tuba cecinit: & facta sunt voces magnæ in cælo di-  
 , centes: factum est Regnum huius mundi, Domini nostri & Christi ejus,  
 , & regnabit in sæcula sæculorum; Amen. (v. 16.) Et viginti quatuor  
 , seniores, qui in conspectu Dei sedent in sedibus suis, ceciderunt in facies  
 , suas, & adoraverunt Deum dicentes: (v. 17.) Gratias agimus tibi Do-  
 , mine Deus Omnipotens, quies, & qui eras, & qui venturus es: quia ac-  
 , cepisti virtutem tuam magnam, & regnasti. (v. 18.) Et irata sunt  
 , Gentes, & advenit ira tua, & tempus mortuorum judicari, & redde-  
 , re mercedem servis tuis Prophetis, & sanctis, & timentibus nomen  
 , tuum pusillis & magnis, & exterminandi eos qui corruperunt terram.  
 , (v. 19.) & apertum est templum Dei in cælo, & visa est arca testamenti  
 , ejus in templo ejus, & facta sunt fulgura, & voces, & terra motus, &  
 , grando magna.

## §. I.

## Templi angustia, &amp; calcatio sanctæ Civitatis.

Calamus:

I. **D**atur Joanni CALAMUS seu arundo menfioria: hanc definit Ezechiel cap. 40. v. 5. sex cubitorum & palmi: ad quem locum Ezechielis respicitur, in quo Angelus metitur calamo ædificium Templi, ubi S. Hieronymus: *calamus mensura in manu ejus, designat gratiam Prophetalem*. Dicitur S. Joanni: SURGE à ruminatione Libri, ET METIRE TEMPLUM DEI, ET ALTARE, ET ADORANTES IN EO. Dimensio hæc indicat in novissimo temporum fore Templum DEI angustum

Metiendo Tem-  
plo.

quod facile sit illi metiri: id est, Exer-  
 citium Religionis, publicum præ-  
 fertim, arctius: cultum altaris cursum  
 & sine consueta majestate: veros etiam  
 adoratores paucos: Clerum & popu-  
 lum DEI in probatione constantiæ &  
 in angustia. Nam ATRIUM Gen-  
 tium, illud vastum, jubetur *non metiri*,  
 sed *ejicere foras*: id est, amplitudinem  
 impiorum; qui aut circum Ecclesiam  
 degunt, at extra illam; aut vitam co-  
 ram DEO profanam agunt & instar  
 Gentium. Merito dicitur calamus, is  
 qui datus est, SIMILIS esse VIRGÆ: Similis

M 3

quæ



quæ significat primò Justitiam visitantis in virga (pl. 88. v. 33.) secundò re-  
ctitudinem DEI (pl. 44. v. 7.) virgam  
directionis, qua omnia meretur; tertio  
providentiam, qua omnia moderatur;  
est enim etiam virga sceptrum in Scri-  
pturis (pl. 109. v. 2. Esth. 5. v. 2. &c.

Calcatio 2. Audit *calcatum* iri SANCTAM  
civitatis. CIVITATEM, Ecclesiam DEI, per

Antichristianos, MENSIBUS QUA-  
DRAGINTA DUOBUS : quod  
est spatium trium annorum & dimidii:

Anni 3½. Apocalypsi. Nam & in prophetia Da-

nielis cap. 7. v. 25. sic legitur; *usque ad  
tempus & tempora & dimidium tempo-  
ris*: & Apocalypsis constanter triplici  
diverso calculo eundem exprimit ac-  
curatè numerum: bis quidem *men-  
sium*, qui sunt 42. (hoc cap. 11. v. 3. &  
Cap. 13. v. 5.) bis item *dierum*, qui sunt  
1260. (hic v. 4. & Cap. 12. v. 6.) ita, ut  
cuique mensi assignentur dies 30. ex  
more tam Hebræorum & Chaldæo-  
rum quàm Græcorum. semel verò  
*temporum* (cap. 12. v. 14.) id est anno-  
rum, ipsismet verbis Danielis. In  
hanc interpretationem de regno An-  
tichristi conspirant omnes SS. Docto-  
res: ut meritò credatur ab ipsis Apo-  
stolis esse derivata. Ita enim vetustissi-  
mus S. Irenæus lib. 5. cap. 25. *Sanctos  
Altissimi conteret, & cogitabit demutare  
tempora & legem: & dabitur in manu  
eius usque ad tempus temporum & dimi-  
dium tempus, hoc est, triennium & sex  
menses in quibus veniens regnabit super  
terram.* & cap. 30. *cum vastaverit An-  
tichristus hîc omnia in hoc mundo, reg-*

*gnans annis tribus & mensibus sex, &  
federit in Templo Hierosolymis: tunc ve-  
niet Dominus de Cælis in nubibus.* ita  
ille. Et S. Hieronymus, is qui teste S.  
Augustino omnes penè scriptores le-  
gerat, in caput Danielis septimum, v.  
25. *Et tradetur, ait, in manu ejus usque  
ad tempus & tempora & dimidium tem-  
poris. tempus annum significat: tempora  
juxta Hebræici sermonis proprietatem,  
nam & ipsi dualem numerum habent,  
duos annos præfigurant: dimidium autem  
temporis sex menses.* Et S. Augustinus  
lib. 20. de Civ. cap. 8. *tribus annis &  
mensibus sex legitur totis suis suorumque  
viribus serviturus.* Et cap. 23. *tempus  
quippe & tempora & dimidium tempo-  
ris, annum esse, & duos & dimidium;  
ac per hoc tres annos & semissem; etiam  
numero dierum posterius posito dilucescit:  
aliquando in Scripturis & numero men-  
sium declaratur.* addit: *sic ergo dicta sunt  
tempora, tanquàm dicerentur duo tem-  
pora.* Hæc Augustinus.

Numeratur enim hîc Antichristi  
non ætas omnis & quies subdola, sed  
illud tempus quo is ascendet ad sum-  
mum potentia, ostentabitque se Chri-  
stum, ac persecutionem instituet om-  
nino omnium quotquot fuerunt aper-  
tissimam ac perniciosissimam anima-  
bus seducendis. ferè sicut Christi Do-  
mini (quem æmulatur Diabolus in o-  
mnibus) prædicatio & doctrina so-  
lemnis, quâ se gessit pro Messia, dura-  
vit annis tribus & dimidio.

3. Quod autem initium hoc nume-  
rationis in Apocalypsi fiat à *mensibus*  
priusquàm per dies & tempora: nec  
id quidem putamus carere mysterio, de  
quo

Com-  
putus  
mensiu.



quo diximus Tractatu 12. §. 2. tūc quia tempus hoc Antichristi concurret conneſterūque cum Luna Mahometana: tūc quia ipſummet erit obnoxium variis mutationibus, pro vario ingenio & identidem novis technis ac machinationibus Antichristi; qui mutabit ſuſque deque res omnes in mundo: *mutabit*, ait Daniel cap. 7. v. 25.

quod poſſit mutare tempora & leges, quæ mutationes erunt & atrocitate & numero longè ſuperiores quàm illæ proximè præcedentes in Imperio Turcico ſibi interea relicto (id eſt, nondum poſſeſſo per Antichriſtum:) tamenſi breviata & multò inferiores duratione, quàm Imperium Turcarum.

## §. II.

## Duo Teſtes.

Teſtes:

**A**udit præterea in illa tam extraordinaria tentatione *daturum eſſe* fidelem DEUM ut adſint extraordinarii duo Teſtes, reſtituri prophetiâ ſuâ & prædicatione. Vocantur TESTES per antonomafiam: quoniam hi ducunt agmen eorum qui dicent testimonium pro vero Chriſto, voce primū, dein ſanguine.

Duo:

Congruum erit, eſſe omnino DUOS: ob tres cauſas. primò quia juxta legem Judæorum, ad quos ſic extra ordinem mittuntur; *in ore duorum aut trium teſtium ſtabit omne verbum*, Deut. 19. v. 15. quod etiam citat Chriſtus Joan. 8. v. 17. *in lege veſtra ſcriptum eſt quia duorum hominum teſtimonium verum eſt*. Deinde, duo ad eoſdem Judæos, qui recipiunt utramque Legem: naturæ, cujus meminit Moyses in tota Genefi; & ſcriptam, ab eodem Moyſe & à Prophetis: & utrobique legunt de illis duobus raptis à DEO. Tertiò, duo ad omnes gentes: ut accedente duplici hoc teſtimonio ad te-

ſtimonium Evangelii, ex omni ſit ſtatu hominum, ante, in, & poſt legem, atteſtatio evidens de Cœlo trium, quod eſt omnium, de ſtirpe humana.

Venient AMICTI SACCIS; ut hortatores ad pœnitentiam & ad luctum: is enim paſſim agi deſcribitur à Scriptura, in ſaccis: 2. Reg. 3. v. 31. à Davide ſuper funere Abneris; *Accingimini ſaccis & plangite*. 2. Eſd. 9. v. 1. de filiis Iſraël; *in jejunio & in ſaccis*. Eſther. 4. v. 1. de Mardocheo; *indutus eſt ſacco*. Iſa. 37. v. 1. de Ezechia; *obvolutus eſt ſacco*. Baruch. 4. v. 20. *indui autem me ſacco*. Daniel cap. 9. v. 3. de ſemet; *in jejuniis, ſacco, & cinere*. Jonæ 3. v. 5. de Ninivitis; *veſtiti ſunt ſaccis*. & v. 6. de Rege; *indutus eſt ſacco*. &c. Quantò magis illâ tempeſtate luctūs Eccleſiæ, & prædicatione pœnitentiæ univerſalis?

Amicti  
ſaccis.

In horum duorum Teſtium tam celebri prædicatione præfertur calculus *dierum*: propterea quia nullo non die continuata erit, & cum expectatione



tione quotidianâ & præparatione sui fuorūque in dies ad subeundum martyrium.

Dux o-  
livæ &  
candela-  
bra.

HI SUNT DUÆ OLIVÆ. fructiferi pacis æternæ (ut est oliva symbolum pacis) quam nuntiant futuram post persecutionem exantlatam: ET DUO CANDELABRA Ecclesiæ in sustinenda luce veræ doctrinæ. Arabica versio sic habet v. 5. *Hi sunt due radices olivarum.* Septuaginta interpretes: *rami olearum.* Zacharias propheta cap. 4. v. 11. *due olive:* & v. 14. *estis sunt duo filii olei;* sic dicti sunt à pinguedine spiritus & gratiæ. vel ut ex Aquila interprete addit S. Hieronymus, *filii splendoris & claritatis:* quia prælucebunt Judæis luce doctrinæ & exempli.

Stant:

IN CONSPECTU inquit Apocalypsis, DOMINI TERRÆ STANTES: quod Zacharias l.c. dixit: *qui assistunt Dominatori universæ terræ.* Dicuntur antequam appareant, stare, in magna expectatione suæ Legationis in universam terram, & altâ interim contemplatione in conspectu Domini terræ: neque enim adhuc in conspectu Beatifico Domini Cœli: siquidem ita rapuit utrumque à terra dominator Deus, ut ad eam remittantur in fine sæculi.

Thau-  
maturgi  
ambo.

Erunt & patratores miraculorum, cum POTESTATE cœlitus acceptâ: oppositi potentiæ Antichristi & signis ac prodigiis illius. Atque alter quidem illorum quisnam sit, apertè insinuatur: dum fit mentio (v. 5.) IGNIS exeuntis EX ORE id est ad verbum illius, prout dicitur Eccli. 48. v. 1.

Quinam  
illi?

verbum ipsius quasi facula ardebat; & devorantis adversarios; 4. Reg. 1. v. 10. & 12. itémque oclusi Cœli NE PLUAT, 3. Reg. 17. v. 1. quæ est descriptio Eliæ. de illo enim expressè Scriptura, Malach. 4. v. 5. & 6. *Ecce ego mittam vobis Eliam prophetam, antequam veniat dies Domini magnus & horribilis: Et convertet cor patrum ad filios, & cor filiorum ad patres eorum.* Et Eccli. 48. v. 9. *qui receptus es in turbine ignis, in curru equorum igneorum: qui scriptus es in iudicis temporum lenire iracundiam Domini, conciliare cor patris ad filium, & restituere tribus Jacob.* Fuisseque eam apud Judæos traditionem ostendit interrogatio, ex Joanne, Legatorum; illa Hierosolymis, Joan. 1. postquam confessus esset se non esse Christum: v. 21. *Elias es tu?* Cui etiam assentitur Christus Matth. 17. v. 11. *Elias quidem venturus est, & restituet omnia:* præcursor Adventus mei secundi, sicut Joannes Baptista est primi.

De altero communior est sensus Ecclesiæ & omnino retinendus: fore Enochum. quoniam æquè translatus est ac Elias: sic enim scribitur Gen. 5. v. 24. *Ambulavitque cum DEO & non apparuit: quia tulit eum DEUS.* Nam quod Moyse fuerit data potestas de qua hîc fit mentio, CONVERTENDI AQUAS IN SANGUINEM, & percutiendi PLAGA pro libitu; non pugnat quin similis potestas danda sit Enocho & Eliæ: ac sufficit ipsum Moysen dedisse testimonium Enocho quod transfulerit illum Deus (l.c.) de Moyse autem expressum esse in Scriptura quod obierit diem suum; Deut.

Ex S.  
Scriptu-  
ra.



34. v. 5. & in ep. S. Judæ: v. 8. Adeo ut nulla restet iusta suspicio de Moyse. Multo minus de Joanne Evangelista valet conjectura ex verbis Christi Joan. 21. v. 22. quia eo ipso in loco v. 23. refutatur, dicente Evangelista, non fuisse eum Christi sensum: & aliunde constat eum obiisse Ephesi. Denique Sacra Scriptura clarissime affert causam translationis Enoch, Eccli. 44. v. 16. *Henoch placuit Deo, inquit, & translatus est in paradysum, ut det gentibus poenitentiam.*

Ex Patri-  
bus.

Accedunt Patres antiqui: Tertul-  
lianus lib. de anima, cap. 28. *translatus est Enoch & Elias, nec mors eorum re-  
perta est; dilata scilicet: ceterum mori-  
turi reservantur ut Antichristum san-  
guine suo extinguant.* & lib. de resurr.  
carnis (ante finem libri) *Enoch & E-  
lias de orbe translati, & hoc ipso jam  
eternitatis candidati.* Auctor Tracta-  
tus de montibus Sina & Sion (inter  
opera S. Cypriani: ) *Henoch translatus  
est ad confundendum & revincendum  
Antichristum.* S. Ambrosius in 1.  
Cor. 4. v. 9. *passuri sunt Enoch & Elias,  
qui ultimo tempore futuri sunt Apostoli:  
mitti enim habent ante Christum, ad pra-  
parandum populum Dei & muniendas  
omnes Ecclesias ad resistendum Antichri-  
sto.* S. Hieronymus ep. 148. ad Mar-  
cellam: *de Henoch autem & Elia quos  
venturos Apocalypsis refert & esse mori-  
turos.* S. Aug. lib. 9. de Gen. ad lit.  
cap. 6. *creduntur redituri ad hanc vi-  
tam, & quod tamdiu dilatum est, mo-  
rituri.* S. Greg. lib. 9. mor. cap. 3.  
*Hinc est quod duo illi predicatorum exi-  
mii dilata morte subtrahi sunt, ut ad pra-*

*dicationis usum in fine revocentur.* Clau-  
dat agmen S. Doctor Angelicus 3. p.  
q. 49. a. 5. ad 2. *Elias sublevatus est in  
Caelum aërium, non autem in Caelum  
empyreum qui est locus Sanctorum: &  
similiter etiam Enoch raptus est in para-  
disum terrestrem: ubi cum Elia simul  
creditur vivere usque ad adventum An-  
tichristi.*

3. Sequitur in revelatione facta Occidetur à  
Joanni: fore ut Bestia hos duos, à qui-  
bus fuerit sermone ac miraculis convi-  
cta, bello id est latrocinio corporum  
vincat, post expletum praedicationis  
ipsorum tempus, & occidat Hierosoly-  
mis. Ipsa est enim civitas UBI DO-  
MINUS CRUCIFIXUS EST: quae  
vocatur SPIRITUALITER SO-  
DOMA ob clamorem impietatis, ET  
ÆGYPTUS ob persecutionem vero-  
rum Israëlitarum id est Christiano-  
rum: sedes Regia pseudo-Christi, in  
qua magnificentissime instaurata, &  
in Templo DEI, illo (per ampliatio-  
nem; ut loquimur) quod fuit DEI,  
omnium celebratissimo, residebit o-  
stendens se tanquam sit Deus 2. Thess.  
2. v. 4. In cujus civitatis plateis jace-  
bunt corpora utriusque insepulta, tan-  
quam sepulchro sint indigni, abjecta  
feris: tripudiantibus impiis & invicem  
gratulantibus quod liberati sint eo-  
rum invisâ praedicatione, minis, &  
miris quae contemnent ut praesti-  
gias.

Hic est interfector duorum Testium  
& pseudo-Christus Rex, à quo pro-  
calcabitur sancta Civitas Ecclesia, ut  
dixerat v. 3. cujus Imperii sub nomine  
Bestiae prima fit hic & obiter mentio,

N

non



non nisi hoc brevissimo verbo; BE-STIA, inquit, QUÆ ASCENDIT DE ABYSSO. Sed huic nomini ac Visioni Bestiæ, hujusque descriptioni reservatur locus cap. 13. v. 11. & seqq.

**Redivi- vi ascen- dent.** Ad Extremum prophetatur fore, ut post TRES ET DIMIDIUM DIES hi duo testes & Archimartyres ab illa ta nece suscitentur divinitus v. 11. SPIRITUS VITÆ, inquit, id est anima vivificans, INTRAVIT IN EOS. simul erigent sese in PEDES, & stabunt in magna sua constantia Sap. 5. v. 1. cum timore cernentium. Protinus, evocati voce DE COELO, ascendent IN NUBE, palam oculis adversariorum: calumniant Antichristo hanc vocem & ascensum ut præstigiolum. IN ILLA HORA, id est circa idem tempus (quod significat græcum ὥρα,) molietur Antichristus suum ascensum solemnem; de quo infra Tract. 24. & de jicietur inter fulmina. Fient hæc cum TERRÆMOTU magno, concussione animarum in primis, quo motu cadet DECIMA PARS CIVITATIS id est collectionis ac reip. Antichristianæ & labefactabitur Regnum Antichristi. Succumbent in illo insperato tremore salubriter OCCISA (ut dicitur Cap. 20.) gladio spiritus atque igne de Cælo SEPTEM MILLIA NOMINA HOMINUM: hoc est, nominatissimi quique & illustres ex affeclis Antichristi, primoribus Judæorum ac, sicut Saulus olim, incentoribus persecutio-

nis. Unà cum commotione universæ terræ rationalis, & mutatione reliquorum ad TIMOREM DEI ac reversione à falso suo Messia ad Christum: juxta illud Scripturarum vaticinium, & ut exclamans cum admiratione Apostolus appellat, mysterium, Rom. 11. v. 26. & seqq. ut sic omnis Israel salvus fieret! & addit hoc vaticinatum esse de Judæis Isaiam cap. 59. v. 20. eis qui redeunt ab iniquitate in Jacob. Simile quid accidit repentinum in terræmotu in morte Christi: quando omnis turba eorum qui simul aderant ad spectaculum istud, percutientes pectora sua revertentur Luc. 23. v. 48.

Valuerunt ad hanc conversionem prodigiosam triennalis prædicatio duorum testium, & post illam in omnium oculis ascensus gloriosus: atque è contrario ille tragicus Antichristi quo illis insultaturus efferetur à dæmonibus. illico ut pervenerit usque ad summam montis inclyti, Dan. 11. v. 45. jussu Christi destituetur omni auxilio, & fulmine percussus, à terra dehiscente absorbebitur; unà deletis affeclis iis qui pertinaces interibunt in sua infidelitate. Tunc enim plenissime verum erit quod hic v. 13. dicitur; RELIQUI IN TIMOREM SUNT MISSI, ET DEDERUNT GLORIAM DEO COELI: quod intenderat Angelus tubicen sextus.

At de his tam breviter dictis, ac velut devoratis, fusiùs & clariùs in secunda Parte Apocalypseos sequente.

Profu-  
Cantus  
Tubæ,

§. III.



## S. III.

*Tuba septima quod est Væ tertium.*

1. **A**Tque hic est finis Væ secundi; quod erat de Regno Antichristi & per illum seductione: de quo Joannes, VÆ, inquit, SECUNDUM ABIIT: &, quod superest, subjungit; VÆ TERTIUM VENIET CITTO, quod erit cantus TUBÆ SEPTIMI ANGELI ad Judicium.

Væ citò. Dum dicit venturum citò: insinuat superfore, post conversionem Judæorum & mortem Antichristi, spatium adhuc temporis DEO soli cognitum: nam de die illo & hora nemo scit, neque Angeli Cælorum, Matth. 24. v. 36. Quo etiam tempore intermedio ante illam ultimam Tubam; dilatato ædificio Ecclesiæ & amplificato ac stabilito simul utroque pariete, Judæorum iterum & Gentium, sensim refrigescet fervor pietatis atque irrepet dissolutio morum & impietas: usque eò, ut quod prædixit Dominus in Evangelio l. c. v. 38. & 39. futuri sint sicut in diebus Noë comedentes & bibentes, nubentes & nuptui tradentes &c. ita erit, inquit, & adventus Filii hominis. & Luc. 17. v. 28. sicut factum est in diebus Lot: edebant & bibebant, emebant & vendebant, plantabant & edificabant &c. secundum hac erit quā die Filius hominis revelabitur, quæ erit ingens oblivio salutis operandæ: quam oblivionem tribuit Christus inopiæ fidei Luc. 18. v. 8. Filius hominis veniens, putas, inveniet

fidem in terra? neque enim eam quam quærit (quæ per charitatem operetur Gal. 5. v. 6.) & sine qua nihil est omne quod invenit. ET ECCE, id est ex improvviso, inquit Apocalypsis, Væ tertium: *repentina dies illa, tanquam laqueus*; Luc. 21. v. 34. & 35.

2. Etenim hoc jam tertium Væ sine ulla dubitatione fore diem ultimum mundi & horam Judicii extremi, juratus asseveravit Angelus fortis Cap. præcedente v. 6. & 7. *tempus, ait, non erit amplius, sed in diebus vocis septimi Angeli*, CUM COEPERIT tuba canere, consummabitur &c. De quo Tubæ cantu Apostolus 1. Thess. 4. v. 15. *in voce Archangeli & in Tuba DEI descendet de Cælo Judex*; & 1. Cor. 15. v. 52. *in novissima Tuba*; canet enim tuba & mortui resurgent.

ET FACTÆ SUNT, inquit, VOCES MAGNÆ IN COELO: de quibus Matth. 24. v. 31. *mittet Angelos suos cum tuba & voce magna, & congregabunt electos ejus à quatuor ventis*. Inter has voces magnas ista quam audivit Joannes de Cælo: FACTUM EST REGNUM HUIUS MUNDI, DOMINI NOSTRI ET CHRISTI EJUS; id est, actum est de Regno Principis mundi ET REGNABIT Christus IN SÆCULA SÆCULORUM: quod est vorum & applausus Cæli resonantis; AMEN.

N 2

Et

Tuba ad  
Judiciū.Voces in  
Cælo.



Et adoratio 24. SENIORUM, cum gratiarum actione erga Omnipotentem, qui est & qui erat & qui venturus est, quod acceptâ virtute suâ magnâ regnet. Et quia inquiunt, sicut antea IRATÆ SUNT GENTES juxta psal. 2. v. 1. quare fremuerunt gentes? ita nunc ADVENIT è contrario IRA TUA & ultio, ET TEMPUS MORTUORUM resurrectionis ac iudicii, ad reddendam MERCEDEM SERVIS TUIS & ad exterminandos velut diluvio universali EOS QUI CORRUPERUNT TERRAM. Respicitur enim eâ phrasi ad Gen. cap. 6. v. 11. corrupta est terra coram Deo & repleta est iniquitate.

3. Simul his vocibus terrentur aures impiorum: simul oculi deliniuntur eorum ad quos dicitur Luc. 21. v. 28. respicite & levate capita vestra.

Magna & beata tranquillitas electorum in illa trepidatione Universi! APERTUM EST enim, inquit, IN COELO quasi TEMPLUM DEI: & in eo VISA EST sacrosancta Humanitas Christi quasi ARCA TESTAMENTI ejus, propitiationi & fœderi suis electis: Inter FULGURA quibus conflagraturus jam jam est orbis; & VOCES quarum exitiales illæ ululantium ad montes & colles præ timore Judicis; & emotionem terræ; & grandinem quâ comminuentur omnia terrena. Enimverò horrendus erit MOTUS reproborum & TERRÆ illis dehiscens: eritque sententia quæ illos dejiciet ad inferos & conteret,

GRANDO MAGNA:

qui est finis mundi &

Placida electis;

Horrenda reprobis.

FINIS PRIMÆ PARTIS APOCALYPSEOS.

